

No. 90. 1423. 6. Jan.

Bürgermeister und Rath zu Pirna bekennen, dass der Bürgermeister Nicolaus Verhe einen Jahrszins von 40 Groschen, zahlbar je mit 20 Groschen Johannis und Michaelis, auf seinem Haues am Ringe Steinmollers Hofe gegenüber an der Ecke gelegen zu S. Erasmialtar in der Nicolaikirche für 8 Schock Gr. auf Wiederkauf verkauft hat. Bürge ist Nicolaus Vincker mit seinem Hofe am Ringe an der Ecke Peter Kesmeister gegenüber. Gegeben 1423 Mittwoch nach dem Neuen Jahre.

Abschr. aus dem 15. Jahrh. im K. Haupt-Staatsarchiv zu Dresden.

No. 91. 1423. 21. März.

Landgraf Friedrich ertheilt der Stadt Pirna auf Widerruf die Befugniss, wegen ausgeklagter Schulden ein beschleunigtes Arrestverfahren eintreten zu lassen.

Wir Friderich von gotis gnaden lantgraue in Doringen vnde marcgraue zcu Miessen der iunger bekennen —, das wir den ersamen burgermeistern ratluten vnde burgern gemeynlichin vnser stad Pirne vnsern lieben getruwen die sunderlichin gunst vnde gnade getan haben vnde tun geinwertiglichin in crafft dießes brieues, also was dii selbin vnser burger zcu Pirne, dii iczunt sind ader hirnach in zekumftigen zciiten sin werden, semptlichin ader irer iglicher besundern schulde vsse habin ader hirnach uße gewonnen in andern steten ader uff dem lande, wii dii schulde sind, die bii yn in vnser stat zcu Pirne geburgit vnde gemacht werden, darumbe sii die, dii yn soliche schulde schuldig weren, nicht irmanen kunden, daz dii selbin vnser burgere, den man soliche schulde schuldig ist, das vor an deme herren, amptmanne ader manne, vnder deme soliche schuldigere gesessin sin, eyns suchen vnde vordern sullin, yn von solichem schuldiger bynnen vierzen tagen ußrichtunge zcu helffen, gulde ader recht, vnde wanne sie das also gesucht vnde gefordert haben, geschiet yn danne von deme schuldigere nach solicher vorderunge bynnen den nesten vierzen tagen darnach nicht ußrichtunge, so mugen dii genanten vnser burgere zcu Pirne solichin iren schuldiger ader sin habe in vnser stat vnde in der phlege zcu Pirne, wo sii dii ankomen, mit vnserm gerichte vnde gerichtis loube da selbis zcu Pirne vmbe soliche schult vffhalden vnde kummern biß so lange das yn vmbe soliche ire schult ußrichtunge geschiet, ane allirley insprache hindernisse argelist vnde geuerde. Auch habin wir vns soliche macht daran behaldin, das wir ader vnser erben soliche vnser gunst vnde gnade als obgeschriebin stehit widerrufen vnde genczlichin wider abetun mugen, wanne vns ader vnsern erben das eben vnde bequeme ist, auch ane insprache intrag argelist vnde geuerde. Des zcu bekentnisse habin wir Friderich lantgraue zcu Doringen obgenant vnser insigil wissintlichin an dießen brieff lassin hengen, der gegeben ist zcu Wissinsee nach Cristi geburte vierzenhundert iare darnach in deme drie vnde zwenczigisten iar am suntage als man in der heiligen kirchin singit Judica me deus.

Nach dem Orig. im Rathsarchiv zu Pirna. Das Siegel fehlt.